

Qodobka 779aad

1. Qofna kuma hantiyi karo gubasho wax ka duwan wixii uu cuskanayey, qofna naftiisa uma beddelan karo sababta haysashadiisa iyo salka ay ku taagan tahay haysashadiisa toona.

2. Hase yeeshi, wuxuu awoodi karaa inuu wax ku hantiyo gubasho, haddii sifada haysashadiisu ku beddelanto wax qof kale sameeyey, ama isagu sameeyey oo loo qaadan karo is hortaag xaqa kii lahaa, hase yeeshi markaasna gubashaddu waxey ka billaabaneysaa taariikhda beddelaada la sameeyey (momento della inversione).

Qodobka 780aad

Waxa ku saabsan tirada muddada iyo joojinta, gubashada ama ka go'idiisa ama kolka Maxkamadda horteeda lagu qabsanayo, iyo ka tanaasulidda iyo heshiiska ku saabsan in la beddeelo muddada, waxaa la dabaqayaa qodobka gubashada xaqrididda ah haddii eyna ka hor imaaneyn dabeecadiisa iyo iyadoo la dhowrayo waxa soo socda :

Qodobka 781aad

Inkasta ha noqotee muddada gubashada wax lagu yec-sho waa joogsaneysaa haddii la helo sabab joojisa.

Qodobka 782aad

1. Waa go'eysaa gubashada wax lagu yeesho, haddii haystuhu haysashada iska dhaafu ama uu waayo, dad kaleba fikirkooda haku waayee.

2. Hase yeeshi, gubashada ku go'imeyso, waayitaanka haysashada haddii haystuhu ku soo ceshado laba sanno gudahood ama dacwadda soo cesashada ku oogo muddadaas.

— 206 —

HAYSASHADA LAGU HANTIYO GUURTO

Qodobka 783aad

1. Qofkii haysta guurto ama xaq ceyn ah ee ku xiran guurto, ama waraaq kan watay waxaa ku qoran leeyahay (titolo al portatore) kuna haysta sabab xaq ah, isagaa noqonaya kii lahaa haddiiba uu niyadsamaa markuu gacan ku dhigay.
2. Haystaha haddii uu niyadsan yahay cuskanayana sabab xaq ah uuna qaadanayey in sheygu uu haystay dulsaa-rneyn wax culeys ah ama ayan wax ku xerneyn wuxuu yeelanayaa hantida iyadoo saafi ah.
3. Haysashada qudheedaa loo qaadanayaa jiney jiraan sabab xaq ah iyo niyadsami, haddii aan la sugin wax weydaar-san ceynkaas.

Qodobka 784aad

1. Qofka leh guurto ama waraaq kan watey waxa ku qoran leeyahay (titolo al portatore) hadduu waayo ama laga xado, waxaa u bannaan inuu ka soo ceshado kii ku haystay niyadsamidda saddex sano gudahood laga billaabo markuu dhumay ama la xaday.
2. Haddiise, qofka haystay waxaas la xaday ama dhumay ka gatay isagoo niyadsan suuqa ama naado ku gatay, ama uu ka gatay qof ka ganacsada ceynkiisa, waxaa u bannaan in uu ka dalbo qofka ceshanaya sheygaas in uu siiyo qiihihi uu ka bixiyey.

HAYSASHADDA LAGU HANTIYO MIRAH

Qodobka 785aad

1. Haystuhu wuxuu yeeshaa wixii uu qabsado oo mira ah hadduuba niyadsan yahay.
2. Miraha dabiiiciga ah ama miraha warshadeed maa-lintey go'do ayaa loo qaadanayaa in la qabsaday, miraha madanigase waxaa loo qaadanayaa in loo qabsaday maa-lin-maalil.

Qodobka 786aad

Haystaha niyadda-xumi isagoo mas'uul ka ah mirihii uu qabtay dhammaantood iyo tuu dayacay qabashadeeda laga bil-laabo markuu noqday mid niyadxun, hase yeeshii wixii uu ku baxshay soo saaridda mirahaas ayuu ceshan karaa.

SOO CELINTA KHARAJYADA

Qodobka 787aad

1. Qofkii loo celiyo hantiisa waa inuu haystaha u gu-daa wixii kaga baxay ee lagama maarmaanka ah.
2. Masruufaadka dheefta leh waxaa lagu dabaqayaa wa-xa ay qorayaan qodobbada 734 iyo 735.
3. Haddiise kharajka baxay yahay mid aan loo baah-neyn oo qurxin ah ma dalbi karo haystuhu, hase yeeshii wa-xaa u bannaan in uu siibo waxa uu sameeyey, waxaase laga raba-a markaas inuu sheygii u celiyo sidii hore, haddii qofka mil-qiiimaha markii la jebin lahaa.

Qoboka 788aad

Haddii qof ka helo haysashada hantiile ama hayste hore, sugana inuu siiyey wixii ka baxay ee masaariif ahan, wuxuu ka dalbi karaa waxaas uu bixiyey kan ceshanaya.

Qodobka 789aad

Haddii uu dalbo hantiiluhi, Garsooraha waxaa u bannaan in uu gooyo waxa ku habboon in lagu bixiyo masaariif-ta ay qorayaan labada qodob oo hore, waxaana u bannaan inuu gooyo in uu bixintu noqoto mid qeyb-qeybsan laguna gudo xilli, isagoo ku xeraya in la hormariyo dammaanad lagama maarmaan ah. Hantiiluhi wuxuu leeyahay inuu iska fur-furo waajibkaas oo uu hormariyo lacag le'eg qiimahii qcy-bahaas oo laga gooyey dulsaaradeedii taasoo lagu qiyaso si-cirka sharciga, ilaa iyo waqtiga laga yeelanayo.

— 208 —

MAS'UULIYADDA MARKA SHEYGA UU DHUMO
Qodobka 790aad

1. Haddii haystuhu niyadsan yahay kuna intifaaco sheygii isagoo u qaba inuu leeyahay, mas'uul kama aha in uu siiyo kan ay ku waajibtay inuu u soo oeliyo sheygii magdhaw intifaacaas daraadiis.
2. Haystuhu mas'uul kama ah sheyga haddii uu dhumo ama halaabo, intii faa'iido ka soo gaarta dhumiddaas ama halaabidaas mooyee.

Qodobka 791aad

Haddii haystuhu niyadkun yahay, isagaa ka mas'uul ah haddii sheygaasi hallaabo sababtu haba ahaatee mid ku timid si lama filaan ah, hadduusanba aannu sugin in sheygu dhumi la-haa ama hallabi lahaa haba ku jiree gacanta kii xaqa u lahaa.

BAABKA II

XUQUUQDA KU DHISAN MILKIYADDA

MADAXA I

MANFACEYSI, KU DHAQAN IYO DEGID

QEYBTA I

MANFACEYSI

Qodobka 792aad

1. Manfaca waxaa lagu helaa fal sharci ah ahaa guuba-sho.

2. Dad isku xiga waxaa loogu dardaarmi karaa man-faco haddii ay jiraan oo nool yihin marka la dardaarmayo, idoo kale waxaa loo dardaarmi karaa ilmo uur ku jira.

Qodobka 793aad

Waxaa la raacayaa markii la joogo xuquuqda uu leeyahay nafcasaduhu iyo waajibaadka saaranba, wixii uu ku dhisnaa oo u dhaliyey xaqa manfacada iyo waxa ay dhigayaan qodohada soo seccda.

— 209 —

Qodobka 794aad

Miraha ka baxa waxaa lagu intifaacayo waxaa leh nafacsadaha intey ka le'eg tahay niuddada nafaceysiga, iyadoo la dhowrayo xubinta labaad ee qodogka 808.

Qodobka 795aad

1. Nafacsaduhu wixii sidii loogu dhiibay waa inuu ugu dhaqmaa iyo waxa loo sameeyey, waana inuuna ku maamulaa maamul wanaagsan.

2. Hantiiluhuna waa is hortaagi karaa ku dhaqan kasta ee aan bannaaneyn ama khilaafsan sida dabeeecadiisu sheyga tahay, haddii uu sugana inuu xuquuqdiisa khatar ku jidho wuxuu awoodi karaa in uu dalbo dammaanad. Haddusan hormarin nafacsaduhu, ama si aan bannaaneyn ugu dhaqmo sheygiィ ama ku hagaagsaneyn dabeeecadiisa in kasta oo uu is hortaagay hantiiluhu, Garsooraha markaas oo kale wuxuu ka qaadi ku intifaacidda sheyga, wuxuuna u dhiibi karaa qof kale oo maamula. Bal wuxuu awoodi karaa habda sidiiu xaalku khatar u yahay inuu xukumo in uu dhammaaday xaqaa manfacada iyadoo la dhowrayo xuquuqda dadka kale.

Qodobka 796aad

1. Nafacsaduhu intuu manfaceysaayo ceynta, isagaa laga rabaa kharajka caadiga ah ee koreysa ceyntaas, iyo kharajka kaga baxa shaqada ay dooneysyo hagaajinteedu.

2. Kharajka aan caadiga ahaynse ama hagaajinta weyn oo aan ku imaan nafacsadaha gefkiisa, waxey koreysaa hantiilaha, waana in uu u gudaa nafacsaduhu hantiilaha faa-iidada ka dhalatay wixii uu ku bixiyey ceynkaas. Haddiise nafacsaduhu isagu bixiyey kharajkaas, wuxuu leeyahay inuu soo ceshado raasunaalkii markii xaqa manfaceysugu dhammaado.

Qodobka 797aad

1. Nafcasaduhu waa inuu dhowraa ceynta uu ku intifaacayo sidii qof caadi ah.

— 210 —

2. Isagaana ka mas'uul ah haddii ceyntu dhunto xataa sabab uusan lahayn awgeed, hadduuba kaddib dhacay in uu u u celiyo kii lahaa markuu dhammaaday ka manaafacaysigu.

Qodobka 798aad

Haddii uu sheyga baabo'o ama halaabo ee uu u baahdo hagaajin weyn oo waajib ku ah inuu hantiilahu xambaaro kharajkeeda, ama ay u baahato tallaabo looga celinayo khatar aan la fileyn waa in nafeasaduhu markaas dareensiyyaa hantiilaha, sidoo kale waa inuu dareensiyyaa haddii qof kale ku sheegto xaq ceyntii.

Qodobka 799aad

1. Haddii uu yahay guurto xoolaha laga manaafac sanayo waa in la tiriyyaa, waa inuuna dhigaa nafeasaduhu dammaanad, haddii aannu dhigin waxaa la gadayaa xoola-haas qiimahoodana waxaa lagu gadayaa saamiyo ka soo baxa dawladdu waxay leedahay (titoli pubblici) faa'iidada ka timaadana waxaa yeelanaya nafacsadaha.

2. Haddii nafacsaduhu dhigo dammaanadda wuxuu awoodi karaa inuu ku dhaqmo ceyntii baabi'i kartay hase yeeshie waa inuu u celiyaa beddelkeedii kolkuu dhammaado xaqiisa manaafaceysiga ah.

Wixii ka dhasha xoolaha nool isagaa yeelanaya kaddib mar-kii uu baxsho magdhawga xoolaha asalka ah oo si lama filaan ah u luma (periti).

Qodobka 800aad

1. Wuxuu dhammaanayaa xaqa nafaceysigu markuu dhammaado waqtigii loo qabtay, haddiise aan loo qaban muddo, waxaa loo qaadanayaa in xaqasuu jirayo intuu nool yahay na-facsaduhu, xaqasuu wuxuu ku dhammaanayaa si kastaba ha ahaatee dhimashada nafacsadaha, haba ka horreeyee waqtii la qabtay.

2. Haddii dhulka manaafaceysanaayey abuur ku yaal markey muddadii dhammaatay, ama nafacsaduhu dhintay, wa-xaa dhulka loo dhaafayaa nafacsadaha ama dhaxlooyadiisa ilaa uu ka go'o abuurku, hase yeeshie waq iney bixiyaan kiradii dhulka muddadaas.

— 211 —

Qodobka 801aad

1. Wuxuu ku dhammaadaa xaqa manfaceysigu ceyntii laga manaafacsanaayey ee dhunta, hase yeeshi wuxuu u guurayaa sheygii loo keenay ceyntii hore beddelkeedii.

2. Haddii dhumidda sheygaas laga manaafacsanaayey aanuna keenin gefka hantilaha, lagu khasbi maayo in ceyntii sidii ay ahayd uu u sooceliyo. Hase yeeshi haddii uu sooceliyo, waxaa u soo noqonaya nafcasadaha xaqii manfaceysiga, haddii uusan lug ku lahayn dhumiddaas, markaasna waa xaa lagu dhaqmayaa qodobka 796 xubintiisa labaad.

Qodobka 802aad

Xaqa manaafacaysigu wuxuu ku dhammaanayaa inaan u dhaqmin sheyga shan iyo toban sannadood.

QEYBTA II

XAQA KU DHAQANKA IYO XAQA DEGIDDA

Qodobka 803aad

Xaqa ku dhaqanka iyo kan degidda intey le'eg yihii waxaa lagu xadidayaa inta naftooda u baahan yahay, kan xaqqaas leh iyo xasakiisuba iyadoo aan laga tegin wuxuu qorayo waxa uu ku dhisan yahay (titolo) oo dhaliyey xaqqaas.

Qodobka 804aad

Loogama tanaasuli karo qof saddexaad xaqa ku dhaqanka iyo kan degiddaba, haddii eysan jirin cudurdaar xoog leh, ama sharad ceynkaas oranaya oo cad.

Qodobka 805aad

Wixii ka baxsan qodobaddaas hore waxaa lagu dabaqayaa qodobada loo dejiyey xaqa manfaceysiga, kuwa ku dhaqanka iyo degiida haddeyanba ka hor imaaneyn dabeeecadda ay leeyihijin labadaas xaq.

— 212 —

MADAXA II

XAQA U ADEEGIDDA (SERVITU)

Qodobka 806aad

U adeegiddu waa xaq xadidaya manfaco maguурто si uu uga faa'iideysto maguурто kale oo uu leeyahay qof kale, wuxuuna ku imaan karaa hanti guud, haddii uusan ka hor imaaneyn waxa loo sunhiyey hantidaas in loogu dhaqmo.

Qodobka 807aad

1. Xaqa adeegidda waxaa lagu yeeshaa fal sharci ah ama dhaxal.
2. xaqa gubashada waxaa lagu yeelan karaa oo keliya adeegidda muuqata iyadoo uu ku jiro xaqa marida.

Qodobka 808aad

1. Xaqa adecgidda waxaa lagu dhisi karaa sida uu ku talagaloaabaha qosyka.
2. Ku talagalkaaabaha qoyska wuxuu jiraa, haaddey caddaato si kastaba ha ahaatee in qof leh labo maguурто oo kala baxsan uu ka taago (sameeyo) dhexdooda calaamad inuuqata sidaasna uu uga dhaliyey dhexdooda xiriir isdabajoog ah oo ku tuseysa in uu jiro xaqa adeegidda haddii labada maguурто ay kale lahaan lahayd hantiilayaal kala duwan.

Markaas haddii. labada maguурто u guuraan gacmo hantiilayaal kala duwan iyadoo xaaladoodu beddelmin waxaa loo qaadanayaa in xaqa adeegidda labada maguурто isku leeyihiin, haddii uusan halkaas jirin sharad ead oo khilaafsan ceynkaas.

— 213 —

Qodobka 809aad

1. Heshiiska xadidaya xuriyadda hantiilaha maguurtada inuu kor u qaado dhisiddiisa tusaalo ahaanna inuu san dhisi karin ilaa heer aan dhaafsaneyn dhirir ahaan iyo ballaar ahaan in go'an, wuxuuna dhalinayaa xaqa adeegidda ee dulsaaran maguurtadaas si maslaxad u ah maguurtayaasha kale ee u dhaw dantoodana loo sameeyey, haddii uusan jirin heshiis sidaa ka duwan.

2. Ku xadgudub kasta ee xadidaadaas lagu sameeyo wuxuu keenayaa hagaajin dabiici ah, hase yeeshi waxaa lagu gaabsan karaa magdhaw khasaareed, haddii Maxkamaddu u aragto iney sidaas ku habboon talye.

Qodobka 810aad

Xuquuqda adeegidda waxay ku dhismeyaa wixii dhalley iyo caadada degaanka iyo axkaamta soo socota.

Qodobka 811aad

1. Qofka leh maguurtada adeegga lihi, wuxuu samicyn karaa hawlaha lagama maarmaanka u ah ku dhaqmidda xaqa adeegga iyo wixii lagu dhawri karo. Wuxuuna xaqaas ugu dhaqmi karaa si ayan ugu imaan dhib, maguurtadaas adeegeysa (Fondo servente).

2. Baahida cusboonaata maguurtada loo adeegayo si kastaba ha noqotee, ma u keeni karto culeys dhulka ay u adeegeyso.

Qodobka 812aad

Hantiilaha leh maguurtada adeegeyso, waajib kuma aha inuu sameeyo hawlaha maslaxadda u ah maguurtada loo adeegayo, haddii eysan hawlahaasu u ahayn lagama maarmaan ku dhaqmidda caadiga ah ee adeeggii, haddii uusan jirin heshiis sidaas ka duwan.